

# **Footage sa Protesta nga ubanan sa mga pag-awit o pag-singgit nga may pagsuporta kang Duterte**

**2025-050-FB-UA**

## **Sumaryo**

Gipaniguro sa Oversight Board ang desisyon sa Meta nga ipadayon ang pagpasibya sa usa ka post sa Facebook nga nagpakita og giusab nga bidyo atol sa usa ka krisis politikal sa Pilipinas, apan gipasabot nga ang maong sulod angay unta nga giila isip ‘High-Risk’ tungod sa dako nga posibilidad nga makapailad kini sa mga tiggamit mahitungod sa usa ka isyu nga may dakong kahinungdanan sa interes publiko. Girekomendar sa Board nga ang Meta maghatag og hayag ug pampublikong pagpasabot kabahin sa mga tmailhan niini alang sa giusab nga media ug sa paagi sa pagpatuman niini. Ang video unta angay nga hatagan og prioridad sa pag-fact-check, ug ang Board nakakita nga kini hapit pareho sa ubang content nga na-fact-check na. Dugang pa, ang Meta angay maghatag og mas episyente ug mas lig-on nga mga himan sa mga fact-checker aron mas epektibong maatubang ang mga malinglalang nga sulod.

## **Mahitungod sa Kaso**

Kaniadtong Marso 2025, ang kanhing Presidente sa Pilipinas nga si Rodrigo Duterte gi-ekstraditar ngadto sa International Criminal Court sa Netherlands aron atubangon ang mga kaso nga may kalabutan sa giingon nga mga krimen batok sa katawhan sa panahon sa iyang pagdumala gikan 2016 hangtod 2022. Pipila ka adlaw human sa pagdakop, usa ka tiggamit sa Facebook nagpaambit pag-usab og giusab nga bidyo nga gipatik daan sa lain pang tiggamit. Ang gi-repost nga bidyo naglangkob og hulagway gikan sa usa ka protesta sa Serbia nga walay kalabotan sa pagdakop kang Duterte, ug gisumpayan kini og mga caption ug audio aron ipakita nga usa kini ka pro-Duterte nga demonstrasyon nga nagpagawas kunohay sa Netherlands.

Ang bidyo adunay teksto nga nag-ingon, ‘Netherlands.’ Sa gisumpay nga audio, kanunay nga nag-awit ang mga tawo sa ngalan nga ‘Duterte,’ samtang ang kanta nga ‘Bayan Ko’ nagpatugtog sa pinulongang Tagalog. Ang "Bayan Ko" kay sikat kaayo atol sa mga protesta batok sa Martial Law sa Pilipinas sa dekada 1980.

Ang orihinal nga post, nga naambit og gatusan ka beses ug nakadawat og mga 100,000 ka pagtan-aw, gikataho sa automated nga sistema sa Meta ingon posible nga impormasyon nga mali. Giuban sa Meta ang content niini sa ilahang online queue para sa pagsusi sa kamatuoran. Sa laing bahin, ang Meta pansamantalang nagpaminus sa pagkakita sa post sa mga Facebook feed sa mga tiggamit nga dili taga-US. Nag-viral ang lain-laing susamang mga bidyo, ug pipila niini gi-rate nga bakak sa mga kauban sa Meta sa pagsusi sa kamatuoran sa Pilipinas. Bisan pa, tungod sa kadaghan sa mga post sa queue, wala makasusi ang mga fact-checker niini nga partikular nga post. Gi-report sa usa ka tiggamit ug Facebook ang gi-reshare nga post tungod tungod sa pagpakatap sa sayop o mali nga impormasyon. Wala gitangtang sa Meta ang post, human niini ang tiggamit mipasaka og apela. Usa ka human reviewer ang nitimbang-timbang sa apela ug gihuptan ang orihinal nga desisyon. Nipasaka og apela sa Oversight Board ang tiggamit.

## **Mga Pangunang Nakaplagan**

Niuyon ang Board sa Meta nga ang post angay unta nga dili ipatangtang kay wala kini naglakip sa mga klase sa sulod nga gibabagan sa Misinformation policy sa Meta, sama sa paghisgot sa mga lugar sa pagboto, mga proseso, o pagka-kwalipikado sa kandidato. Bisan pa, gipasabot sa Board nga gawas sa pagpasaka sa sulod alang sa fact-checking ug pansamantalang pagpakita sa post sa ubos sa feed sa mga tiggamit, ang Meta unta angay magbutang og ‘High-Risk’ nga label sa sulod tungod kay kini naglangkob og digitally altered, photorealistic nga bidyo nga adunay taas nga posibilidad nga makalimbong sa publiko atol sa usa ka hinungdanong pampublikong kalihokan.

Tungod sa kahinungdanon sa paghatag og transparency bahin sa pag-label sa giusab nga media, girekomendar sa Board nga ang Meta magpahayag sa lain-laing klase sa label niini ug sa mga kriteriya sa pagpatuman niini. Sa pagkakaran, ang labing detalyado nga impormasyon bahin sa pag-label sa giusab nga media sa Meta makita sa mga desisyon sa Board.

Ang Meta unta angay pa molihok og dugang aron masiguro nga ang post ma-fact-check. Bisan pa man nga ang Meta nag-una sa susamang sulod alang sa fact-checking atol sa eleksyon, ang pagdakop sa usa ka kanhing pangulo sa nasud nga taas og profile, ug uban pang krisis politikal nga ‘timely, trending, ug consequential,’ angay tratuhon ingon kritikal nga mga kalihokan nga kwalipikado alang sa mas taas nga lebel sa pagsusi. Dungag pa, pagkahuman sa pagsusi niini, nakaplagan sa Board nga ang sulod sa kaso angay usab nga ikonsiderar nga halos kapareho sa mga sulod nga na-fact-check na ug angay unta nga gi-label ingon niini, apan gilauman usab nga ang Meta nag-atubang og mga hagit sa paghimo niini nga desisyon sa daghang sulod.

Gipasabot sa Board nga ang giusab nga bidyo mahimong kabahin sa koordinado nga mga kampanya sa mali nga impormasyon, diin ang susamang sulod, bisan dili eksaktong pareho, ipatik ug ipaambit uban ang hinay-hinay nga pag-usab aron malikayan ang fact-checking. Kini nagpasabot nga kinahanglan nga ang Meta adunay lig-on nga mga proseso aron atubangon ang viral nga malimbong nga mga post, lakip na ang pag-una sa eksaktong pareho o halos kaparehong sulod alang sa pagsusi, ug ang pagpatuman sa tanang may kalabutan nga polisiya ug mga himan niini. Ang mga fact-checker angay usab hatagan og mas epektibo nga mga himan aron dali nga mailhan ang viral nga sulod nga lagmit nag-usab-usab sa malimbong nga mga pamahayag.

## **Ang Desisyon sa Oversight Board**

Gisuportahan sa Board ang desisyon sa Meta nga wala tangtanga ang content.

Girekomendar pud sa Board nga buhaton kini sa Meta:

Ilaraw ang lain-laing klase sa mga label nga gigamit sa kompanya alang sa giusab nga media, ug kung kanus-a kini gigamit.”

Maghimo og laing queue sulod sa fact-checking interface nga naglangkob sa content nga susama, apan dili eksaktong pareho o halos kapareho, sa sulod nga na-fact-check na sa usa ka gihatag nga market.

\*Ang mga sumaryo sa kaso naghatag og pangkalahatang kasayuran bahin sa mga kaso ug dili magamit ingon nga precedent.